

# Reglur um meistaranám við lagadeild Háskólans í Reykjavík

## I. kafli

### Meistarapróf og inntökuskilyrði

#### 1. gr.

##### Meistarapróf í lögfræði

Lagadeild Háskólans í Reykjavík (HR) veitir prófgráðuna: Meistarapróf í lögfræði (ML) að loknu 120 ECTS eininga (einingar) framhaldsnámi á meistarástigi við deildina með fullnægjandi árangri.

#### 2. gr.

##### Fullnaðarpróf í lögfræði

Nemandi sem lokið hefur meistaraprófi í lögfræði frá lagadeild Háskólans í Reykjavík og a.m.k. 240 einingum í lögfræðigreinum innan grunn- og meistaranáms í lögfræði, telst hafa lokið fullnaðarprófi í lögfræði frá lagadeild Háskólans í Reykjavík í skilningi 4. tl. 1. mgr. 6 gr. 1. nr. 77/1998 um lögmenn. Er það próf jafngilt embættisprófi í lögfræði í skilningi laga.

#### 3. gr.<sup>1</sup>

##### Inntökuskilyrði

Umsækjandi um meistaranám við lagadeild HR skal hafa lokið BA- eða BS-prófi, eða sambærilegu prófi, frá viðurkenndum háskóla með a.m.k. 6 í meðaleinkunn. Inntökunefnd lagadeildar metur umsóknir og tekur ákvörðun um hverjir fá inngöngu í meistaranám. Inntökunefndin getur sett sér starfsreglur um framangreint mat.

(a) Við mat á umsóknum þeirra sem lokið hafa BA-prófi frá lagadeild HR er höfð hliðsjón af námsárangri og námsframvindu í BA-náminu, reynslu og öðrum atriðum sem geta varpað ljósi á hvort umsækjendur hafi þekkingu, leikni og hæfni til að stunda meistaranám í lögfræði. Umsækjendur sem lokið hafa BA-prófi frá lagadeild HR með meðaleinkunnina 6,5 eða hærri eiga rétt á inngöngu í meistaranám (ML-nám). Inntökunefndin getur þó, án tillits til 1. og 2. másl., hafnað umsækjenda sem gerst hefur sekur um brot á náms- og prófareglum eða siðareglum HR á meðan á BA-náminu stóð. Líta skal til þess hvort um alvarlegt eða ítrekuð brot er að ræða.

b) Námsráð getur heimilað nemanda aðgang að ML-námi í allt að tvær annir hafi nemandi lokið a.m.k. 165 einingum af BA-námi við lagadeild HR með að lágmarki 6.5 í meðaleinkunn. Fáir nemandi síðar inngöngu í ML-nám á grundvelli a-liðar eru þau námskeið sem hann hefur lokið á meistarástigi samkvæmt heimild 1. másl., metin inn í meistaranámið að uppfylltu skilyrði 3. mgr. 19. gr.

(c) Umsækjendur með BA-próf í lögfræði eða sambærilega námsgráðu frá öðrum háskólum, geta sótt um inngöngu í ML-nám við lagadeild HR. Við mat á slíkum umsóknum skal inntökunefndin líta sérstaklega til námsárangurs og námsframvindu. Einnig getur nefndin tekið tillit til reynslu og annarra atriða sem geta varpað ljósi á þekkingu, leikni og hæfni umsækjanda til að stunda ML-nám í lögfræði. Námsráð getur ákveðið að nemendur sem fá inngöngu skv. þessum lið skuli uppfylla kröfur umfram þær sem leiddar verða af reglum þessum um inntak meistaranáms og námsárangur. Geta þær kröfur m.a. falið í sér að nemandi ljúki tilteknum námskeiðum eða verkefnum í grunnnámi

---

<sup>1</sup>A og b-liður 1. mgr. 3. gr. gilda um nemendur sem hefja BA-nám við lagadeild Háskólans í Reykjavík á vorönn 2013. 5. gr. reglna um meistaranám við lagadeild Háskólans í Reykjavík eins og þær hljóðuðu fyrir gildistöku þessara reglna eiga við um nemendur sem hófu nám fyrir þann tíma.

deildarinnar án þess að þau skili námseiningum í meistaranámi. Deildarforseti ákveður gjaldtöku vegna viðbótarnámskeiða sem nemendum er gert að ljúka úr grunnnámi.

d) Umsækjendur með BA- eða BS-gráðu í öðrum námsgreinum en lögfræði geta fengið inngöngu í ML-nám við lagadeild HR. Við mat á slíkum umsóknum skal inntökunefndin líta sérstaklega til samsetningar náms umsækjenda og námsárangurs í einstökum þáttum þess. Einnig getur nefndin tekið tillit til reynslu og annarra atriða sem geta varpað ljósi á þekkingu, leikni og hæfni umsækjanda til að stunda ML-nám í lögfræði. Nemendur sem fá inngöngu skulu ljúka BA námskeiðinu Aðferðafræði I-réttarheimildir og lögskýringar, með meðaleinkunnina 6,0 eða hærri sem hluta af ML-námi. Þeir skulu skrá sig í námskeiðið á fyrstu haustönn eftir að þeir hefja nám. Meistarapróf í lögfræði leiðir ekki til fullnaðarprófs í lögfræði fyrir þessa umsækjendur í skilningi 4. tl. 1. mgr. 6 gr. 1. nr. 77/1998 um lögmennt og telst ekki jafngilt embættisprófi í lögfræði í skilningi laga.

Deildarforseti ákveður, að höfðu samráði við rektor, fjölda nemenda sem fá inngöngu í meistaranám.

Umsóknarfrestur í ML-nám og svarfrestur lagadeildar skal ákveðinn af deildarforseta og auglýstur með opinberum hætti.

## **II. kafli**

### **Nám, kennsla og lærdómsviðmið**

#### **4.gr.**

##### **Samsetning náms**

Nemandi ákveður sjálfur samsetningu náms síns innan þeirra marka sem reglur þessar mæla fyrir um.

Í meistaranáminu skal nemandi ljúka að lágmarki 60 einingum í lögfræðigreinum, en nemandi er heimilt ljúka allt að 60 einingum í öðrum greinum á háskólastigi, sbr. nánar ákvæði 18. gr. Nemendur sem ekki hafa lokið BA-prófi í lögfræði eða sambærilegu prófi og fengið hafa inngöngu í meistaranám á grundvelli d-liðar 3. gr. reglna þessara, skulu þó ljúka að lágmarki 105 einingum í lögfræðigreinum. Námskeið sem tilgreind eru í kennsluskrá fyrir meistaranám við lagadeild HR teljast lögfræðigreinar, nema deildarfundur ákveði annað. Námskeið og verkefni við aðrar deildir HR og aðrar innlendar eða erlendar háskólastofnanir teljast ekki lögfræðigreinar í framangreindum skilningi nema með samþykki námsráðs.

Nemendur sem fengið hafa inngöngu í meistaranám á grundvelli d-liðar 3. gr. er heimilt að fengnu samþykki námsráðs að velja allt að tvö námskeið úr grunnnámi við lagadeild HR sem komi í stað námskeiða í meistaranámi. Námsráð getur ákveðið að heimild þessi taki aðeins til hluta námskeiða í grunnnámi. Til að standast próf í námskeiði úr grunnnámi verður nemandi að hljóta a.m.k. einkunnina 6,0.

Öllum nemendum í meistaranámi er skylt að skrifa meistaraprófsritgerð, 30 eða 60 eininga, sbr. nánar 16. og 17. gr.

#### **5. gr.**

## Lærdómsviðmið

Við lok ML-prófs skal nemandi hafa til að bera þekkingu, leikni og hæfni í samræmi við gildandi viðmið um æðri menntun og prófgráður. Við útskrift þúi nemandi þannig yfir a) lögfræðilegri þekkingu, b) geti beitt aðferðum og verklagi lögfræðinnar og c) hagnýtt þekkingu sína og leikni í starfi og/eða frekara námi.

Í því felst:

### a) Þekking

Að nemandi:

Hafi bætt við grunnþekkingu sína og öðlast djúpan almennan skilning á heildarmynd lögfræðinnar og fræðilegum viðfangsefnum hennar.

Hafi öðlast sérþekkingu á völdum sviðum.

Hafi þá aðferðafræðilegu og efnislegu þekkingu að hann/hún geti fært rök fyrir eigin úrlausn á lögfræðilegum álitaefnum.

Geti sett nýjustu þekkingu í samhengi við þá þekkingu sem fyrir er.

Hafi djúpan skilning á samfélagslegu hlutverki lögfræðinnar og tengslum hennar við önnur fræðasvið.

Skilji mikilvægi þess að hafa siðferðilegar grundvallarreglur í heiðri í öllum störfum sínum.

### b) Leikni

Að nemandi:

Hafi tileinkað sér gagnrýna hugsun og geti nýtt hana í störfum sínum.

Geti beitt aðferðum og verklagi lögfræðinnar.

Geti nýtt þekkingu sína og skilning við afmörkun, greiningu og úrlausn lögfræðilegra viðfangsefna.

Hafi getu til að samþætta þekkingu.

Hafi öðlast færni við upplýsingaöflun, greiningu upplýsinga, mati á gildi þeirra og við að velja á milli þeirra og nýta þær.

Geti tekið afstöðu til lögfræðilegra álitaefna og sett hana fram með skýrum og rökstuddum hætti.

Geti áttað sig á og tileinkað sér þekkingu á nýjum sviðum.

Sé læs á lögfræðilegar rannsóknir og niðurstöður þeirra.

Geti nýtt þekkingu sína, skilning og úrlausnarhæfni við nýjar og ókunnar aðstæður og í samvinnu við önnur fræðasvið.

Geti tekið virkan þátt í umræðum um lögfræðileg viðfangsefni.

### c) Hæfni

Að nemandi:

Geti hagnýtt þekkingu sína og leikni í lögfræðistörfum.

Hafi þróað með sér sjálfstæð og skipulögð vinnubrögð og hæfni til að taka sjálfstæðar faglegar ákvarðanir.

Geti átt frumkvæði að verkefnum, stýrt þeim og axlað ábyrgð á vinnu einstaklinga og hópa.

Geti miðlað lögfræðilegum upplýsingum, hugmyndum, álitaefnum og niðurstöðum í rituðu og mæltu máli til sérfræðinga og almennings bæði á íslensku og erlendu tungumáli.

Geti endurnýjað þekkingu sína og leikni og átti sig á nauðsyn þess.

Geti stundað doktorsnám.

## 6. gr.

### Nám og kennsla

Eftirfarandi meginreglur gilda um nám og kennslu í ML-námi:

- a) Skipulag námskeiða, kennslu og námsmats skal vera í samræmi við lærdómsviðmið prófgráða og námskeiða.
- b) Námið, kennslan og námsmatið er verkefna- og rannsóknatengt.
- c) Áhersla er lögð á fjölbreyttar kennsluaðferðir og að kennsla sé í formi umræðu og verkefna þar sem nemendur taka virkan þátt.
- d) Áhersla er lögð á fjölbreytt námsmat og vandaða endurgjöf til nemenda.
- e) Námssefni og kennsla miðar að því að nemendur öðlist traustan fræðilegan grunn og fái markvissa þjálfun í beitingu hans. Áhersla er lögð á gagnrýna hugsun og sjálfstæð vinnubrögð.
- f) Þjálfun í úrlausn lögfræðilegra álitaefna er grundvallaratriði í kennslufræðilegri nálgun lagadeildar. Nemendur eiga að fá þjálfun í að beita lögfræðilegri aðferðafræði í tengslum við kennslu í öllum námskeiðum sem eru lögfræðigreinar.
- g) Umsjónarkennarar ákveða námsmat. Námsmat skal endurspegla þær áherslur sem lagðar eru í kennslu í einstökum námskeiðum og byggja á úrlausn álitaefna sem reyna á þekkingu nemanda og getu til að beita aðferðum og verklagi lögfræðinnar, sbr. 5. gr.
- h) Miðanna- og lokapróf mega að hámarki gilda 50% af heildarnámsmati í einstökum námskeiðum.<sup>2</sup>

Framangreindum meginreglum til fyllingar vísast til viðmiða lagadeildar um kennsluhætti sem aðgengileg eru á heimasíðu deildarinnar.

#### **7. gr.**

##### **Kennslu- og vinnustundir**

Að jafnaði standa 30-38 fyrirlestrar, verkefna- og umræðutímar að baki hverju 7,5 eininga námskeiði.

Við það skal miðað að 25-30 vinnustundir (fyrirlestrar, verkefna- og umræðutímar, undirbúningur nema og verkefnavinna) standi að baki hverri einingu námskeiðs. Þannig standi t.d. 188-225 vinnustundir að baki 7,5 einingum.

#### **8. gr.**

##### **Heimildaskráningastaðallinn OSCOLA**

Heimildaritgerðir og sambærileg verkefni skulu styðjast við heimildaskráningarstaðalinn „Oxford Standard for the Citation of Legal Authorities“ (OSCOLA). Gefnar hafa verið út reglur um íslenska aðlögun staðalsins en gögn varðandi staðalinn er að finna á heimasíðu bókasafns og upplýsingaþjónustu HR.

### **III. kafli**

#### **Námsþættir**

#### **9. gr.**

##### **Námsframboð**

Eftirtaldir námsþættir geta skilað nemendum einingum í ML-námi: Námskeið, sbr. 12. og 13. gr., starfsnám, sbr. 14. gr., rannsóknarverkefni, sbr. 15. gr., meistararitgerð, sbr. 16. og 17. gr. og nám utan lagadeildar, sbr. 18. gr. og 19. gr.

Fyrir 20. október ár hvert skal námsráð gera tillögur um námsframboð fyrir næstu tvö skólaár. Námsráð skal vinna tillögur sínar í samráði við kennara deildarinnar og fulltrúa nemenda. Námsráð

---

<sup>2</sup>H-liður tekur gildi frá og með upphafi vorannar 2013.

skal miða við að á hverri önn séu að jafnaði í boði a.m.k. 10 námskeið. Við framboð námskeiða skal meðal annars taka tillit til þess að nemendum bjóðist á námstímanum hæfilegt úrval fjölbreytilegra námskeiða á sem flestum sviðum lögfræðinnar. Sérstök áhersla skal lögð á að nemendum bjóðist gott úrval námskeiða á þeim áherslusviðum lögfræðinnar sem mælt er fyrir um í 10. gr.

Forseti lagadeildar skal eigi síðar en 10. janúar ár hvert leggja fram námskeiðaáætlun til tveggja ára. Námskeiðaáætlunin skal birt í kennsluskrá þar sem fram kemur lýsing námskeiða og lærdómsviðmiða og upplýsingar um umsjón námskeiða og kennslu í þeim, námsmat og aðra tilhögun, að því marki sem mögulegt er.

Fyrir 20. júní ár hvert skal liggja fyrir ákvörðun forseta lagadeildar um hvaða námskeið skuli kennd á komandi námsári. Ef sérstakir erfiðleikar eru á að halda námskeið vegna ófyrirséðra atvika, s.s. ef fjöldi nemenda fer undir lágmarksviðmið 3. mgr. 12. gr., getur deildarforseti ákveðið að fella niður viðkomandi námskeið eftir framangreint tímamark.

### **10. gr.** **Áherslusvið**

Innan meistaranáms við lagadeild HR skal lögð sérstök áhersla á að bjóða upp á námskeið á eftirfarandi sviðum: a) alþjóðasviði, b) dómstóla og málflutnings, c) fjármunaréttar.

Heimilt er að auðkenna meistarapróf í lögfræði alþjóðasviði ef nemandi hefur lokið a.m.k. 45 einingum með námskeiðum sem námsráð hefur samþykkt að séu á alþjóðasviði. Nemandi skal að auki skrifa ML-ritgerð á alþjóðasviði. Starfsnám á alþjóðasviði eða rannsóknarverkefni getur komið í stað námskeiða á því sviði samkvæmt ákvörðun námsráðs hverju sinni. Námsráð metur hvort nám erlendis falli undir alþjóðasvið. Að ósk nemenda getur matið farið fram áður en nám hefst, enda leggi nemandi fram fullnægjandi gögn um inntak námsins.

### **11. gr.**

#### **Námsáætlun nemenda og frestir vegna starfsnáms**

Nemandi sem fengið hefur inngöngu í meistaranám skal, fyrir 1. júní á því ári sem námið hefst, setja fram námsáætlun um valin námskeið og eftir atvikum óskir um starfsnám fyrir næstu tvær annir. Frestur til að leggja fram ósk um starfsnám á vorönn skal þó vera til 1. september. Val nemanda er bindandi en nemandi er þó heimilt að breyta skráningu í námskeið í fyrstu viku hvernar námsannar skv. almanaki HR.

Nemandi skal velja efni meistararitgerðar og fá samþykki umsjónarkennara fyrir því fyrir 10. júní á því ári sem síðara námsár hefst.

### **12. gr.** **Námskeið**

Námskeið eru í umsjón fastra kennara deildarinnar eftir ákvörðun forseta lagadeildar. Honum er þó heimilt að fela stundakennurum umsjón námskeiða.

Námskeið skulu almennt veita 7,5 einingar. Námsráð getur heimilað að námskeið skuli veita annan fjölda eininga.

Almennt skal við það miðað að nemendur í námskeiðum séu að lágmarki 10. Námsráð getur að fengnum rökstuddum tillögum umsjónarkennara heimilað hámarksfjölda í námskeiðum. Skal umsjónarkennari tilgreina hvaða viðmið verða notuð við val á nemendum, fari heildarfjöldi umsækjenda fram úr hámarkinu. Er m.a. heimilt að miða við hvenær umsóknir bárust, áherslusvið

nemenda, hvort að nemandi hafi lokið tilgreindum námskeiðum og hversu langt nemendur eru komnir í náminu.

### **13. gr.**

#### **Sumarnámskeið og önnur sérstök námskeið**

Heimilt er að bjóða upp á sumarnámskeið og önnur sérstök námskeið sem skilað geta nemendum einingum til meistaraþrófs. Slík námskeið eru ekki háð reglum þessa kafla. Þau má halda á vegum lagadeildar eða í samstarfi við aðra. Heimilt er að innheimta sérstök gjöld vegna náms samkvæmt þessari grein.

### **14. gr.**

#### **Starfsnám**

Deildin skipuleggur starfsnám í samvinnu við stofnanir eða fyrirtæki.

Nemandi getur sótt um samþykki námsráðs til að leysa af hendi með viðurkenndu starfsnámi allt að 7,5 einingar í meistaranámi. Miða skal við að 7,5 einingar jafngildi viðveru á vinnustað í 150 vinnustundir, þar sem nemandi vinnur að lögfræðilegum verkefnum sem eru sannanlega til þess fallin að auka þekkingu hans í lögfræði og hæfni til að vinna að úrlausn lögfræðilegra verkefna.

Námsráð skal hafa frumkvæði að því að gerðir verði samstarfssamningar við þau fyrirtæki eða stofnanir sem til greina koma í þessu sambandi. Í tengslum við gerð slíkra samninga skal námsráð tilnefna umsjónarkennara þeirra nemenda sem stunda starfsnám á grundvelli hvers samnings og samstarfsaðili tilnefna umsjónarmann með störfum nemanda innan stofnunarinnar eða fyrirtækisins.

Ákvörðun um hvort nemandi fái námsvist byggist á námsárangri, hversu langt nemandi er kominn í námi svo og þörfum og óskum samstarfsaðila deildarinnar. Námsráð setur nánari reglur um framkvæmd þessa ákvæðis, þ.á m. um námsárangur og námsframvindu sem byggt er á við mat á umsókn um námsvist.

Við lok starfsnáms skal nemandi skila vinnuskýrslu um starfsnámið. Umsjónarmaður staðfestir vinnuskýrsluna og gefur umsögn um frammistöðu nemanda. Umsjónarkennari metur, á grundvelli staðfestrar vinnuskýrslu og umsagnar umsjónarmanns, hvort nemandi hafi lokið áætluðum námseiningum með fullnægjandi árangri.

Námsárangur nemanda vegna starfsnáms skal skráður í námsferilsskrá hans sem staðið/fallið.

Starfsnám skal vera ólaunað.

### **15. gr.**

#### **Rannsóknarverkefni**

Námsráði er heimilt að leggja vinnu nemanda að sérstöku rannsóknarverkefni undir handleiðslu leiðbeinanda til jafns við starfsnám samkvæmt framangreindu. Slík vinna getur m.a. falist í þátttöku við rannsóknir sem leiðbeinandinn vinnur að. Námsráð leggur mat á hversu margar einingar fást fyrir verkefnið.

Námsráð getur heimilað slík rannsóknarverkefni þótt viðkomandi nemandi hafi lokið starfsnámi.

Vinna nemanda að rannsóknarverkefni skal vera ólaunuð.

## 16. gr.

### 30 eininga meistararitgerð

Allir nemendur skulu skrifa a.m.k. 30 eininga meistararitgerð sem skal skilað í lok síðustu annar námsins.

Nemanda er skylt að sækja námskeið um ritgerðarskrif í upphafi þeirrar annar sem ritgerðarvinnan hefst. Það á þó ekki við hafi nemandi sótt slíkt námskeið í tengslum við ritun BA-ritgerðar.

ML-ritgerð skal uppfylla þau markmið sem nemandi hefur sett sér áður en vinnan hófst og leiðbeinandi hefur fallist á. Markmiðin skulu koma skýrt fram í inngangi ritgerðar.

Efnistöð 30 eininga ritgerðar skulu vera með þeim hætti að ljóst sé að ekki liggi færri en 750 vinnustundir að baki ritgerðinni.

Lengd 30 eininga ritgerðar skal vera á bilinu 25.000-30.000 orð, eins og þau teljast skv. ritvinnslukerfi.

Að loknum skrifum ML-ritgerðar eiga nemendur að hafa tileinkað sér vönduð fræðileg vinnubrögð við úrlausn lögfræðilegra viðfangsefna. Í því felst að nemandi:

- Geti valið lögfræðilegt viðfangsefni til að rannsaka, afmarkað það og greint með skýrum og greinargóðum hætti.
- Geti gert grein fyrir þýðingu viðfangsefnis og í hverju frumleiki vinnunnar felst.
- Geti beitt aðferðafræði lögfræðinnar (einni eða fleiri) og greint á milli ólíkra aðferða.
- Hafi þá getu til heimildaleitar og heimildaöflunar sem nauðsynleg er til að leysa úr flóknum lögfræðilegum viðfangsefnum í námi og starfi.
- Geti aflað viðeigandi réttarheimilda og afleiddra heimilda og annarra upplýsinga, gert grein fyrir þeim og samspili á milli þeirra, metið þær og valið á milli þeirra eftir þýðingu þeirra fyrir viðfangsefnið.
- Geti fjallað um lögfræðileg viðfangsefni með sjálfstæðum og fræðilegum hætti.
- Sé fær um að gera grein fyrir andstæðum sjónarmiðum þar sem það á við.
- Geti sett viðfangsefni fram með skipulögðum og rökréttum hætti.
- Geti dregið ályktanir og miðlað þeim í skýru og skiljanlegu máli.
- Geti notað heimildir rétt og tileinkað sér heiðarleg vinnubrögð þegar unnið er með texta og niðurstöður annarra.
- Hafi öðlast djúpa þekkingu og traustan skilning á afmörkuðu viðfangsefni.
- Hafi vald á lögfræðilegu orðfæri.

Deildarforseti skipar prófdómara og skulu leiðbeinandi og prófdómari sameiginlega leggja mat á ritgerð nemanda. Séu leiðbeinendur fleiri en einn, leggja þeir sameiginlega mat á ritgerðina og er þá ekki þörf á prófdómara. Einkunn prófdómara vegur jafnt á við einkunn leiðbeinanda. Séu þeir ekki sammála um hvort nemandi nái lágmarkseinkunn skal deildarforseti fela þriðja aðila yfirmat og ræður mat hans einkunn nemanda. Sá sem til þess er fenginn skal hafa reynslu af akademísku starfi við lagadeild HR eða lagadeild annars háskóla eða hafa stundað rannsóknir á sviði lögfræði sem gefa honum sambærilega reynslu.

ML-ritgerð skal skila á skrifstofu lagadeildar innan skilafrests sem tilgreindur er á vefsíðu lagadeildar. Nemanda er óheimilt að draga til baka ritgerð sem skilað hefur verið.

Einkunn skal gefin fyrir ML ritgerð með sama hætti og fyrir námskeið við lagadeild. Nái nemandi ekki lágmarkseinkunn getur hann óskað eftir því að fá að skrifa aðra ritgerð. Með annarri ritgerð er átt við að nemandi skrifi nýja ritgerð hjá öðrum leiðbeinanda. Nemandi getur óskað eftir sérstöku samþykki forseta lagadeildar fyrir ritgerðarefni sem gerir honum kleift að nýta fyrri vinnu við heimildaöflun. Í slíkum tilvikum þarf nemandi að gera sérstaklega grein fyrir nýrri/breyttri nálgun og/eða efnistöku. Við afgreiðslu slíkrar beiðni skal deildarforseti leita álits viðkomandi leiðbeinanda.

Ritgerð nemanda verður ekki metin til námseininga eða einkunnar fyrir en á síðara námsári ML-náms. Skal nemandi þá hafa lokið a.m.k. 52,5 einingum á meistarastigi.

Um vinnulag, hlutverk nemenda, leiðbeinanda og prófdómara og önnur atriði er varða ritun ML-ritgerða, frágang og skil vísast nánar til verklagsreglna um ritun ML-ritgerða sem deildin samþykkir.

### **17. gr.**

#### **60 eininga meistararitgerð**

Nemandi í meistaranámi sem hefur sýnt afburða námsárangur og fengið samþykki umsjónarkennara, getur sótt um til námsráðs að skrifa 60 eininga meistararitgerð í stað 30 eininga ritgerðar. Reglur 16. gr. eiga við um slíkar ritgerðir að öðru leyti en að neðan greinir.

Efnistöku skulu vera með þeim hætti að ljóst sé að ekki liggi færri en 1500 vinnustundir að baki ritgerðinni.

Ritgerð til 60 eininga skal vera 50.000-60.000 orð, eins og þau teljast skv. ritvinnslukerfi.

Auk þeirra lærdómsviðmiða sem fram koma í 16. gr. skal nemandi geta:

- Valið, afmarkað og greint viðfangsefni sem felur í sér markvert og sjálfstætt framlag á sviði lögfræði og eftir atvikum annarra fræðasviða sem viðfangsefnið tengist.
- Prófað tilgátu sem svar við rannsóknarspurningu.
- Geta notað frumheimildir og afleiddar heimildir og aðrar upplýsingar til að styrkja eða hrekja tilgátu um svar við rannsóknarspurningu.

Hafi verið fallist á umsókn nemanda um að skrifa 60 eininga meistararitgerð, tilnefnir deildarforseti sérstaka nefnd er samanstendur af leiðbeinanda nemandans og tveimur sérfróðum mönnum á því fræðasviði sem ritgerðinni er ætlað að fjalla um. Skal meirihluti nefndarmanna hafa lokið meistaraþrófi, sambærilegu námi eða æðri háskólagráðu. Skal nefndin leggja mat á ritgerð nemandans og auk þess prófa hann munnlega úr efni ritgerðarinnar í opinni málstofu. Einkunn skal gefin fyrir ritgerðina með sama hætti og fyrir námskeið við lagadeild. Nái nemandi ekki lágmarkseinkunn fær hann ekki að skrifa aðra 60 eininga ritgerð. Nemandi getur óskað eftir því að fá að skrifa 30 eininga með sömu skilmálum og fram koma í 9. mgr. 16. gr. og ljúka þeim 30 einingum sem eftir standa með öðrum námsþáttum.

### **18. gr.**

#### **Nám utan lagadeildar meðan á ML-námi stendur**

Nemandi getur sótt um að stunda eftirfarandi nám á meistarastigi á meðan á ML-námi í HR stendur og fengið námið metið sem hluta af meistaranáminu.

- Allt að 60 ECTS eininga háskólanám í lögfræði eða öðrum greinum við erlenda háskóla m.a. á grundvelli þeirra nemendaskiptaáætlana sem deildin eða HR á aðild að. Ljúki nemandi námi með prófgráðu má meta það að hámarki til 15 eininga.
- Allt að 60 ECTS eininga nám í öðrum greinum en lögfræði í annarri deild HR.
- Allt að 60 ECTS eininga háskólanám í lögfræði eða öðrum greinum við annan innlendan háskóla.



Nemandi getur þó aldrei fengið heimild til að ljúka meira en samtals 60 einingum á grundvelli a-c liða. Nemandi skal leita eftir samþykki námsráðs fyrir námi samkvæmt þessari grein áður en það hefst.

Við mat á því hvort námsárangur nemanda samkvæmt a-c liðum 1. mgr. hafi verið fullnægjandi skal miða við kröfur þess háskóla sem nám var stundað við. Námsárangur nemanda vegna slíks náms skal skráður í námsferilsskrá hans sem „metið“ en einkunnir ekki gefnar í tölum.

#### **19. gr.**

##### **Mat á fyrra námi**

Nemandi getur, áður en nám hefst, sótt um að fá metið sem hluta af því námskeið á meistarástigi sem nemandi hefur lokið við innlenda eða erlenda háskóla.

Einungis er heimilt að meta slík námskeið til að hámarki 15 eininga. Ef sérstök rök mæla með því getur nemandi sem stefnir að fullnaðarprófi í lögfræði fengið metið námskeið í lögfræði á meistarástigi að hámarki 30 einingar. Nám sem er hluti af prófgráðu sem nemandi hefur þegar lokið verður þó aldrei metið til meira en 15 eininga.

Eldra námskeið á meistarástigi skal ekki metið sem hluti af meistaranámi í lögfræði ef námskeiðinu var lokið meira en níu árum áður en nemandi skráði sig í meistaranám í lögfræði.

Námsráð tekur ákvörðun um hvort og hvernig eldra nám skuli metið. Við það mat er auk framangreindra atriða meðal annars heimilt að líta til eðlis viðkomandi náms og námsárangurs í því.

Námsárangur nemanda vegna náms sem þessi grein fjallar um skal skrá í námsferilsskrá hans sem „metið“ en einkunnir ekki gefnar í tölum.

#### **IV. kafli**

##### **Námsframvinda og námsmat**

#### **20. gr.**

##### **Námstími**

Meistaránám skal að lágmarki vera fjórar annir (vor og haust). Almennt er gert ráð fyrir að nemandi ljúki 30 einingum á önn eða 60 einingum á ári miðað við eðlilega námsframvindu. Nemandi skal ljúka meistaranámi eigi síðar en fjórum árum eftir að það hófst.

#### **21. gr.**

##### **Hámarksfjöldi eininga á önn**

Nemandi getur óskað eftir skráningu í eitt námskeið á önn umfram 30 einingar enda sé það nauðsynlegt til að ljúka meistaranámi á fjórum önnum, sbr. 1. málsl. 20. gr.

#### **22. gr.**

##### **Námsmat og einkunnagjöf**

Við námsmat og einkunnagjöf er farið eftir reglum HR um próf og einkunnir.

Til að standast próf í meistaranámi í lögfræði verður nemandi að hljóta minnst einkunnina 6,0 í öllum námsþáttum sem nemandi fær skráða einkunn fyrir við lagadeild HR. Þetta gildir einnig eftir því sem við á um fyrra nám sem nemandi fær metið sem hluta af meistaranámi í lögfræði.

Til þess að standast námskeið þarf nemandi að fá 6,0 í einkunn á lokaprófi. Ef lokapróf hefur minna vægi en 20% af lokaeinkunn hefur kennari heimild til að víkja frá áðurgreindu ákvæði.

Lokaeinkunn til fullnaðarprófs í lögfræði í skilningi 2. gr. reglna þessara skal reiknuð sem vegið meðaltal einkunna úr einstökum námsþáttum í BA-námi og ML-námi.

### **23. gr.**

#### **Endurinnritun**

Uppfylli nemandi ekki framangreind lágmarksskilyrði um námsframvindu, fellur réttur til frekara náms við deildina niður. Nemandi getur þó sótt um endurinnritun í deildina. Þau skilyrði eru sett fyrir endurinnritun að námsferill nemanda beri með sér ótvíræða námsgetu eða ótvíræðar framfarir í námi, og að meðaleinkunn í þeim námsgreinum sem nemandi hefur lokið í ML-námi við deildina sé 7,0 eða hærrí. Sé slík heimild veitt, heldur nemandi sem þess óskar þeim námskeiðum sem lokið hefur verið með einkunn 7,0 eða hærrí. Heimild til endurinnritunar verður aðeins veitt einu sinni á námstímanum.

### **24. gr.**

#### **Námshlé**

Nemandi getur sótt um leyfi námsráðs til að gera hlé á námi sínu. Beiðnin skal studd fullnægjandi gögnum er sýni að gildar ástæður séu fyrir beiðninni. Meðal ástæðna sem réttlætt geta námshlé eru barneignir og veikindi. Leyfi til námshlés má veita með skilyrðum. Hámarks lengd námshlés er 1 ár. Hámarksnámstími samkvæmt reglum þessum framlengist sem námsleyfi nemur.

### **25. gr.**

#### **Undanþágur**

Hafi námsráð komist að þeirri niðurstöðu að undanþágur frá reglum um framvindu náms og námshlé samkvæmt 23. og 24. gr. eigi ekki við getur deildarfundur lagadeildar, ef ríkar ástæður eru til, veitt frekari undanþágur frá þeim reglum. Slík heimild verður aðeins veitt í algjörum undantekningartilvikum.

### **26. gr.**

#### **Náms- og prófareglur**

Um prófgögn fer eftir reglum sem lagadeild HR setur þar um. Vísað er í náms- og prófareglur HR sem birtar eru á vefsíðu skólans varðandi önnur atriði.

## **V. kafli**

### **Ákvarðanir og kæruleiðir**

### **27. gr.**

#### **Námsráð**

Hlutverk námsráðs er að vinna með forseta deildar að námsþróun, þar á meðal skipulagi þess og gæðum, tilhögun kennslu, kennsluhátta og námsmats samkvæmt stjórnskipulagi lagadeildar.

### **28. gr.**

#### **Ákvarðanir og kæruleiðir**

Að öðru leyti en því sem tekið er fram í reglum þessum fer forseti lagadeildar með endanlegt ákvörðunarvald um framkvæmd meistaranáms í lögfræði.

Samkvæmt stjórnskipulagi lagadeildar og reglum þessum tekur inntökunefnd ákvarðanir um inntöku í meistaranám, sbr. 3. gr. reglnanna. Þær ákvarðanir eru endanlegar.

Ákvarðanir námsráðs sem snerta réttindi og skyldur nemenda eru kærnanlegar til forseta deildar sem fer með endanlegt ákvörðunarvald.

Þar sem í reglum þessum er kveðið á um að „lagadeild” fari með ákvörðunarvald er átt við deildarfund.

Nemandi, sem hefur tæmt kæruleiðir innan skólans, getur sent mál sitt til áfrýjunarnefndar í kærumálum háskólanema, skv. 20. gr. laga nr. 63/2006 um háskóla. Hlutverk áfrýjunarnefndarinnar skv. reglum nr. 1152/2006 að úrskurða í málum þar sem námsmenn í háskólum sem hlotið hafa staðfestingu menntamálaráðherra, telja brotið á rétti sínum varðandi: a) Framkvæmd prófa og námsmat, þ.m.t. fyrirögn prófa, tilhögun einkunnagjafar, skipun prófdómara og birtingu einkunna. b) Mat á námsframvindu, þ.m.t. rétt til endurtektarprófs. c) Afgreiðslu umsókna um skólavist, þ.m.t. tilhögun mats á námi á milli skóla. d) Brottvikningu nemanda úr skóla og beitingu annarra agaviðurlaga. Áfrýjunarnefndin tekur ekki til umfjöllunar mál sem snerta faglegt mat kennara (t.d. próf).

## **VI. kafli** **Ýmis ákvæði**

### **29. gr.** **Skólagjöld**

Háskólaráð ákveður skólagjöld í meistaranámi.

### **30. gr.** **Reglur Háskólans í Reykjavík**

Að öðru leyti en því sem fram kemur í reglum þessum gilda almennar reglur Háskólans í Reykjavík, þ.m.t. siðareglur HR, um grunnnám í lagadeild og eftir atvikum aðrar reglur lagadeildar.

Þannig samþykkt á deildarfundum lagadeildar HR 17. ágúst 2012, 8. apríl 2013, 16. desember 2013 og 28. nóvember 2016